



Broj: 12-11-15-2888/23  
Sarajevo, 16. 10. 2023. godine

Na osnovu člana 64. stav (1) tačka b), člana 69. stav (1) tačka a), člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14 i 59/22) i preporuke Komisije za provođenje postupka javne nabavke putničkih motornih vozila putem otvorenog postupka javne nabavke (obavještenje o javnoj nabavci broj: 296-1-1-18-3-26/23 objavljeno je na Portalu javnih nabavki 6. 9. 2023. godine i Sažetak obavještenja u „Službenom glasniku Bosne i Hercegovine“, broj 62/23 od 8. 9. 2023. godine), date u Zapisniku o pregledu i ocjeni ponuda broj: 12-11-15-2421-7/23 od 13. 10. 2023. godine, generalni revizor d o n o s i

## ODLUKU

### o izboru najpovoljnijeg ponuđača za javnu nabavu putničkih motornih vozila

#### I

U postupku javne nabavke putničkih motornih vozila putem otvorenog postupka javne nabavke, Ugovorni organ donio je odluku o izboru najpovoljnijeg ponuđača **GUMA M d.o.o. Mostar** čija cijena ponude iznosi 63.000,00 KM bez PDV-a, odnosno 73.710,00 KM sa PDV-OM.

#### II

Zadužuje se Odjeljenje za pravne i opće poslove i ljudske resurse, da ovu Odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove Odluke, elektronskom poštom, preporučenom poštom ili neposredno.

#### III

Ova Odluka stupa na snagu danom potpisivanja i bit će objavljena na službenoj internet stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

## Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik Bosne i Hercegovine“ broj 39/14 i 59/22) Odlukom broj: 12-11-15-2421/23 od 30. 8. 2023. godine pokrenuo postupak javne nabavke putničkih motornih vozila za potrebe Ureda za reviziju institucija u Federaciji Bosne i Hercegovine za budžetsku 2023. godinu, putem otvorenog postupka.

Obavještenje o javnoj nabavci broj: 296-1-1-18-3-26/23 objavljeno je na Portalu javnih nabavki 6. 9. 2023. godine i Sažetak obavještenja u „Službenom glasniku Bosne i Hercegovine“ broj 62/23 od 8. 9. 2023. godine. Komisija za provođenje postupka javne nabavke putničkih motornih vozila imenovana Rješenjem generalnog revizora broj: 12-11-15-2421-1/23 od 30. 8. 2023. godine, provela je postupak javne nabavke u skladu sa Zakonom o javnim nabavkama i podzakonskim aktima te o istom sačinila: Zapisnik o otvaranju ponuda od 6. 10. 2023. godine, Analitički prikaz traženih i dostavljenih dokumenata – Kvalifikacija ponuđača broj: 12-11-15-2421-6/23 od 6. 10. 2023. godine i Zapisnik o pregledu i ocjeni ponuda broj: 12-11-15-2421-7/23 od 13. 10. 2023. godine u kojem se navodi:

„Na protokol Ugovornog organa blagovremeno su pristigle dvije ponude i to ponude ponuđača: GUMA M d.o.o. Mostar i TRIAB d.o.o. Sarajevo.

- Ponuda ponuđača GUMA M d.o.o. Mostar ispunjava zahtjeve tražene tenderskom dokumentacijom.
- Ponuđač TRIAB d.o.o. Sarajevo - U Aneksu III tenderske dokumentacije u Opisu proizvoda traženo je „Rezervni točak punih dimenzija, kao ostali točkovi na autu“ i „Priručni alat i dizalica“. Tačkom 8.1.3. (Tehnička i profesionalna sposobnost) tačka b) Tenderske dokumentacije traženo je da ponuđač dostavi „Opis robe koja je predmet isporuke“. U ponudi ponuđača TRIAB d.o.o. Sarajevo ponuđen je „Rezervni točak umanjениh dimenzija“ te nije ponuđena „Dizalica“, što ne zadovoljava tehničke karakteristike koje traži Ugovorni organ, i samim tim ponuda ponuđača nije prihvatljiva.

U predmetnom postupku javne nabavke Ugovorni organ predvidio je provođenje e-aukcije.

Članom 3. stav. (3) Pravilnika o uslovima i načinu korištenja e-aukcije ("Službeni glasnik BiH", broj: 66/16), propisano je: "U slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona."

S obzirom na to da je Ugovornom organu pristigla jedna prihvatljiva ponuda i to ponuda ponuđača GUMA M d.o.o. Mostar, nije zakazana e-aukcija.

Komisija je preporučila generalnom revizoru da u skladu s članom 69. stav (1) tačka (a) Zakona o javnim nabavkama zaključi ugovor za nabavku putničkih motornih vozila sa ponuđačem GUMA M d.o.o. Mostar čija cijena ponude bez PDV-a iznosi 63.000,00 KM.

Na prijedlog Komisije Ugovorni organ je donio odluku kao u dispozitivu.

**Pouka o pravnom lijeku:** U skladu sa članom 99. i članom 101. Zakona o javnim nabavkama protiv ove odluke može se izjaviti žalba u roku od 10 (deset) dana od dana zaprimanja odluke.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- GUMA M d.o.o. Mostar
- TRIAB d.o.o. Sarajevo
- u spis
- a/a

**GENERALNI REVIZOR**  
**Dževad Nekić**  
